

OHR i OSCE i dalje insistiraju na usvajanju Izbornog zakona

Visoki predstavnik, Wolfgang Petritsch, i šef Misije OSCE-a u Bosni i Hercegovini, ambasador Robert Barry, su podsjetili BiH Parlament da pred njim još uvijek stoji obaveza usvajanja Izbornog zakona. U petak prošle sedmice su Visoki predstavnik i šef misije OSCE-a uputili pismo Kolegijumu Zastupničkog doma Parlamentarne skupštine BiH u kojem su istakli ovu obavezu Parlamenta.

Ukoliko Upravni odbor Vijeća za implementaciju mira to preporuci, te Stalno vijeće OSCE-a odobri, opći izbori bi se u Bosni i Hercegovini mogli održati na jesen pod mandatom OSCE-a i u skladu sa Pravilima i propisima Privremene izborne komisije.

Međutim, ovim se BiH Parlament ne bi oslobodio svoje obaveze da donese Izborni zakon koji inače predstavlja temeljnu legislativu za svako slobodno i demokratsko društvo. Usvajanje Izbornog zakona i dalje predstavlja ključni test za opredijeljenost Bosne i Hercegovine za ulazak u Vijeće Evrope.

Ovaj Zakon mora obuhvatiti značajne demokratske reforme koje su inače sadržane u Nacrtu zakona kojeg je izradila Radna grupa zadužena za izradu Stalnog izbornog zakona. Preferencijalno glasanje, višestrane izborne jedinice i otvorene liste ubrajaju se u ključne odredbe, usaglasene od strane domaćih i međunarodnih eksperata. One predstavljaju neophodne komponente budućeg demokratskog progressa u Bosni i Hercegovini i kao takve ne mogu se žrtvovati zbog političke proračunatosti.

Usvajanje Izbornog zakona kojim će se promovirati demokratija,

kao i zajednicko postivanje, zahtijevace hrabrost i zrtvu od strane raznih politickih partija i konstitutivnih naroda. Medjutim, bez politicke volje za kompromisom se ne moze usvojiti nijedan znacajan zakon.

Visoki predstavnik i ambasador Barry apeliraju na Parlamentarnu skupstinu Bosne i Hercegovine da stave na dnevni red najnoviju verziju Nacrta izbornog zakona kojeg je izradila Radna grupa zaduzena za izradu Stalnog izbornog zakona, a koja je Parlamentarnoj skupstini dostavljena jos 15. februara.